



Inatsisartunut ilaasortaq  
Juliane Henningsen  
Inuit Ataqatigiit

### **§ 37 naapertorlugu apeqquteqaatinnut – Kulturkanon-imut ilinniartitsinermilu atortunut tunngasunut akissuteqaat**

Asasara Juliane Henningsen

Inatsisartut 2007-imi ukiakkut ataatsimiinnerminni akuersissutigaat Inatsisartut ullormut oqaluuserisaanni immikkoortumi UKA 2007/21 Naalakkersuisut peqquneqarnissaannik siunnersuut, inuiattut pingartitagut aaqqissuussaasumik katersorneqassasut, taakkualu aallaavigalugit ilinniartitsisussiortoqarnissaa pillugit apeqquteqaatit Naalakkersuisut qjassutigaat.

Matumuuna Naalakkersuisut sinnerlugit apeqquteqaatit matuma ataani allaqqasoq akissuteqarfigissavara.

#### **Apeqqu:**

**Suliniutit suut aqutigalugit Naalakkersuisut suliniuteqarpat Inatsisartut 2007-imi ukiakkut ataatsimiinnerminni, ullormut oqaluuserisassani UKA 2007/21, Naalakkersuisut peqquneqarnissaannik siunnersuummut akuersissutigineqartumut?**

#### **Akissut:**

inuiattut pingartitagut - kulturikkut, oqaluttuarisaanikkut, inuiaqatigiilerinikkut atuakkialerinikkullu aaqqissuussaasumik katersorneqassasut, kingornagut taakku pingaarnersiorneqarlutik ilinniartitsissutissatut katersorneqassasut suliarineqarlutillu, ilinniisianik meeqqat atuarfiini kiisalu ilinniarnertuunngorniarfinni neqeroortigineqarnissaat Naalakkersuisut suli soqutigaat, aammalu aalajangererup piviusunngortinneqarnissaa aalajangiusimallugu. GU-mi ilinniartitaanerup aaqqissuuteqqinneranut maannamut ingerlanneqartumut atatillugu ilinniutinik suliaqarneq maanna aallarereerpoq, suliarlu taanna kalaallisoornermut fagkonsulentimit Inerisaavimmi atorfeqartinneqartumik aqunneqartumik ingerlanneqarpoq.

Suliaq aallartinneqartoq ilinniarneqartussanut assigiinngitsunut inissitsiternerisigut taakkualu soorlu kulturimut, oqaluttuarisaanermit, inuiaqatigiinnut tunngasutigut ilisimatusarnikkut atuagassiaqarnikkullu tunngasut imarisaasa immikkoortortaasigut nassuiaasersorlugit, taamaaliornikkut ilinniagallit kikkut sunik suliaqartinneqarnissaat nalunaarsorlugu, tassa taamaaliornikkut inuit eqqortunik ilisimasallit aaqqissuussaasumik ataatsimiititani suliaqartinneqartussat tunngavissinneqassammata.

28. jan 2011  
Sagsnr. 2010-024961  
Dok. Nr. 552860

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: kiin@nanoq.gl  
www.nanoq.gl

Ataatsimiititap naammattunik piginnaasaqartup suliassaa tassaavoq suliassanut aalajangersimasunut tunngatillugu atortussatigut imarisaasigullu inaarutaasumik toqqaanissaq, katersinissaq, tulleriaarinissaq aqqissuinissarlu – tamatumalu kingornatigut suliaq nangillugu meeqqat atuariiini taamatullu ilinniarnertuunngorniarfinni ilinniartitsissutissanik ineriartortitsinermik suliaqarnissaq, sulianili taakkunani inuit meeqqat atuariiini taamatullu ilinniarnertuunngorniarfinni inuit ilinniarnernut immikkut annertuunik ilisimasallit suleqatigineqassapput.

Atuariiini/ilinniarnertuunngorniarfinni peqartuni inuit immikkut ilisimasallit suleqatiginissaat suliat nalilersornissaannut pingaaruteqarluinnarput, tassami meeqqat atuariiitut taamatullu ilinniarnertuunngorniarfinnut tunngatillugu sorpianik suliaqartoqassanersoq tassa sulianit aallaaviusuniit. Tassa imaappoq "kulturikkut najoqqutassanik" taaneqartartunik katersineq suliassatut siulliunneqassaaq, taava meeqqat atuariiitut kiisalu ilinniarnertuunngorniarfinnut tunngasunik suliaqarneq tulliullugu.

Kingullermut tunngatillugu ilinniarnertuunngorniarfiup nutarterneqarneranik suliaqarnermut attuumassuteqartorujussuavoq, tassanilu ilinniarnermik pilersaarutitik ilinniarnernullu ilitsersuutitik inerisaanernut qanimut attuumassuteqarluni, taamaattumillu taakkunannga suliaqarnermi atortussanik eqqortumik toqqaanissami toqqammassiussallutik, tassa kulturikkut najoqqutassanut atatillugu ineriartortitsineqartussat. Meeqqat atuariianni ilinniartitsinermi atortut aammattaq ilinniarnertuunngorniarfinnut atatillugu atortunut attuumassuteqarnissaat eqqarsaatigineqarpoq, taamaaliornikkut meeqqat atuariiinni ilinniarnertuunngorniarfimmii piumasaqaatit suunersut ilisimaneqarniassammata, taamatullu atuariiup ilinniarnertuunngorniarfiullu ilinniagassatigut qaffasissutsit atortussat aqutigalugu fagitigut perorsaaniikkullu suleqatigiisinnegassapput taamaaliornikkut pitsaanerpaamik angusaqarnissaq anguniarlugu.

Taamaattumik ilinniusiornermik suliaqarneq ilinniarnertuunngorniarnerup tungaatigut inatsisiliornep naammassineqarneranik aallartiffeqarnissa pisariaqarsinnaavoq, taamaaliornikkut suliaq sapinngisanik pitsaasuunissaa pitsaanerpaamik qulakkeerneqarsinnaammat. Kiisalu ilinniarnertuunngorniarnermik nutarterinermik suliaqarneq ilisimaneqartutut ilimagisamik sivisunerusimavoq, nutarterinerullu piviusunngortinneqarnissaa august 2012-mi siunniunneqarpoq.

Kiisalu suliamut tassunga tunngatillugu 2012-imut aningaasatigut pilersaarutitut pingaarutilimmik inissiinissaq suliarineqartariaqarpoq, taamaaliornikkut kulturikkut najoqqutassanik suliaqarneq tamatumalu kingunerisaanik ilinniutitik suliaqarneq inerisaneqassammat, aammalu periarfissaqarnerisigut suliarineqartassallutik. Kulturikkut najoqqutassanik, ilinniusiornermillu suliaqarnerit Kultureqarnermut, Ilinniartitaanermut, Ilisimatusarnermut, Ilageeqarnermullu Naalakkersuisoqarfik kiisalu Inerisaavik suleqatigiinnerisigut ingerlanneqarpoq.

Inussiarnersumik inuulluaqqusilluta